


廣雅疏證
四



廣雅疏證

四

廣雅疏證

(四)

張揖撰
王念孫疏證

廣雅疏證卷五下

魏清河張揖撰

高郵王念孫疏證

釋言

需令也

皆謂善也齊侯罍鐘銘需命難老卽令命也微絲鼎銘
永令緒需舟繒卽令終也戾敦銘需舟需令卽令終令
命也盤庚弔由靈傳云靈善也正義以爲爾雅釋詁文
今爾雅作令鄒風定之方中篇靈雨旣零鄭箋云靈善
也石鼓文作需雨需靈令聲義竝同互見
卷一靈善也下令各本譌作今今訂正

免墮也

未詳

科藂也

說見卷三
科本也下

毀虧也

誓制也

爾雅誓謹也郭璞注云所以約勅謹戒衆說文誓約束也釋名誓制也以拘制之也各本譌作制誓也今訂正
謂指也

指而言之曰謂隱元年公羊
傳云王者孰謂謂文王也

節已也

已猶
止也

居據也

釋名云據居也晉語今
不據其安韋昭注亦云

據杖也

說文據杖持也擲尾
柏舟篇云不可以據

如均也

堯典云
如五器

子已似也

未詳

注

此與下文義不相屬
當有脫文不可考矣

理媒也

楚辭離騷云吾令蹇脩以
爲理又云理弱而媒拙兮

滔漫也

說文滔水漫漫大兒堯典云浩浩滔天大雅蕩篇天降滔德毛傳云滔漫也水漫曰滔人慢曰滔其義一也故釋名云慢慢也漫漫心無所限忌也

吳跌也

吳之言傾側跌之言差跌也說文吳日西也又云廼日在西方時側也引離九三日廼之離今本作吳王嗣宗本作爪土喪禮下篇作側穀梁春秋經作稷竝字異而義同周官司市注云日廼跌中也史記天官書會至日跌爲稷漢書天文志作跌

妬嬭也

今俗語猶謂爭色曰嬭音若酒酢之酢

嫫嫫也

說見卷一嫫嫫妬
也下嫫與嫫同

秩程也

秩通作秩又作𣎵秩與程古聲義並同說文程品也又
云𣎵爵之次弟也引堯典平𣎵東作今本作平秩史記
五帝紀作便程說文𣎵從呈聲𣎵從
𣎵聲讀若詩載載大猷今本作秩秩

腓脂也

說見
釋器

輸寫也

小雅蓼蕭篇我心寫兮毛傳云輸寫其心也枚乘七發
云輸寫其滿膏淪引之云周語陽氣俱蒸土膏其動弗震弗
淪脈其滿膏淪當讀爲輸謂輸寫其氣使達於外也左
氏春秋隱六年鄭人來淪平公羊穀梁作輸平是淪輸
古字通此言當土脈盛發之時不卽震動之輸寫之則
其氣鬱而不出必滿塞而爲災也韋注訓淪爲變於上

下文義
稍遠矣

縣抗也

說見卷四
抗縣也下

朔穌也

蘇與蘇通說文朔月一日始蘇也白虎通義云月言朔何朔之言蘇也明消更生故言朔也論語爲政篇皇侃疏引書大傳云夫正朔有三本天有三統明王者受命各統一正也朔者蘇也革也言萬物革更於是故統焉爾雅朔北方也堯典正義引李巡注云萬物盡於北方蘇而復生故言朔也是凡言朔者皆復蘇之義也

道迭也

道迭與
銚交通

汜晉也

汜各本譌作
汜今訂正

資操也

資與齋通說見卷
三操齋持也下

緊糾也

說見卷一緊
糾急也下

款叩也

呂氏春秋愛士篇夜款門而謁
高誘注云款叩也款與款同

仰和也

徇營也

衆經音義卷十七引倉頡篇云徇求也莊子駢拇篇小
人則以身殉利司馬彪注云殉營也殉與徇通說文雙

營求也。簋與猗古聲義亦同。抑風擊鼓篇于嗟洵兮韓詩洵作匱是其類矣。

民氓也

供養也

序射也

說見卷一
庠養也下

侯候也

春秋繁露漢察名號篇云號爲諸侯者宜謹視所候奉之天子也。王制正義引春秋元命包云侯者候也。候王順逆也。又周官小祝掌小祭祀將事侯禴禱祠之祝號。鄭注云侯之言候也。候嘉慶祈福祥之屬。

位莅也

莅或作涖。傳三年穀梁傳云莅者位也。古者位莅立三字同聲而通用。周官鄉師執斧以涖。匠師鄭注云故書

位作立鄭司農云立讀爲位小宗伯掌建國之神位注云故書位作立鄭司農云立讀爲位古者立位同字古文春秋經公卽位爲公卽立肆師用牲于社宗則爲位注云故書位爲位杜子春云位當爲位各本位下脫去也字遂與下條相連孝經正義引廣雅位莅也今據以補正

祿也

祿下蓋脫錄字位莅祿錄皆取同聲之字爲訓周南樛本正義引孝經援神契云祿者錄也上所以敬錄接下所以謹錄事
上白虎通義同

要約也

逋竄也

側剗也

說見卷一剗斷也
也下剗與剗同

御侍也

檜距也

說文檜裏柱也又云定距也定距與檜距同考工記弓人維角定之鄭衆注云定讀如甬距之甬車甬之甬司馬相如長門賦云離樓梧而相檜漢書匈奴傳云陳遵與單于相甬距竝字異而義同檜各本譌作檜自宋時本已然故集韻類篇竝引廣雅檜距也考說文玉篇廣韻俱無檜字今訂正

礙闕也

礙與闕同聲而通用說文礙止也小爾雅闕限也列子黃帝篇云雲霧不礙其視又云物無得傷闕者力命篇云孰能礙之太元難次六云上較于山下觸于川竝字異而義同

闌閑也

說文闌門遮也楚語爲之闌籬蕃籬而遠備閑之韋昭注云閑闌也閑通作蘭魏策云有河山以蘭之史記魏

世家
作闕

鐫鑿也

方言鐫椽也晉趙謂之鐫說文鐫破木鐫也一日琢石也淮南子本經訓鐫山石高誘注云鐫猶鑿也求金玉也鹽鐵論通有篇云鑽山石而求金銀鑽與鐫聲近義同

水準也

管子水地篇云水者萬物之準也白虎通義云水之爲言準也養物平均有準則也水與準古同聲而通用考工記輅人輅注則利準栗氏權之然後準之故書準竝作水

眈眈也

玉篇眈目瞬也廣韻云目眇視也衆經音義卷一引通俗文云一目眨曰眈眈與眈同

剝天也

鄭注王制云天斲殺也說文剝絕也引甘誓天用剝絕其命今本作剝管子五行篇云數剝竹箭漢書外戚傳云命操絕而不長竝字異而義同

級等也

冤枉也

書著也

說文書著也釋名書庶也紀庶物也亦言著也著之簡紙永不滅也賈子道德說篇云著此竹帛謂之書書者此之著者也

刊切也

切膾也

竝見卷一創刊切斲也下創與膾通刊各本譌作利今訂正

委 累也

各本皆作委闕也案委與闕義不相近此因委下脫去累也二字而下文闕下又有脫字遂誤合爲一條文選赭白馬賦注云廣雅曰委累也言累加之也今據以補正委之言委積也大戴禮四代篇云委利生孽

闕也

小雅節南山傳云闕息也大射儀注云闕止也文王世子注云闕終也

率挽也

剡利也

說見卷二

剡剡也

說見卷四剡剡也下

譊是也

大學引大甲顧譊天之明命鄭注云譊猶正也說文正是也是譊聲義竝同

君羣也

逸周書太子晉解云侯能成羣謂之君荀子王制篇云君者善羣也羣道得則萬物皆得其宜六畜皆得其長羣生皆得其命韓詩外傳云君者何也曰羣也羣天下萬物而除其害者謂之君

臣繕也

白虎通義云臣者繕也堅也屬志自堅固也繕與繕通

愛優也

說見卷一翳愛也及卷二雙障也下愛優雙竝通

指斥也